

圖書集成醫部全錄

第1冊

10314
6525

前陰諸疾 夢與鬼交 交媾

小兒未生胎養 初生護養 診視

臟腑形證

圖書集成醫部全錄

四十八冊

欽定古今圖書集成醫部全錄

博物彙編藝術典第四百二十卷目錄

醫部彙考四百

婦人前陰諸疾門

張機金匱要略 前陰諸證

王叔和脉經 脈證

陳自明婦人良方 陰病方論

薛己醫按 陰病證治

李梴醫學入門 陰病證治 脈法

張三錫醫學準繩六要 陰病總論 證治

王肯堂證治準繩 陰病證治

陳實功外科正宗 總論

陳士鐸石室秘錄 治法

方 補中益氣湯 龍膽瀉肝湯 四物湯 追遂散 雄黃藜蘆散 歸脾湯 古硫鯉丸 雄黃銳散 銀杏散

八珍湯 加減八味丸 小柴胡湯 消痰湯 雄黃藜蘆散 又方 加味追遂散 又方 三葉丸 附後方 一捻金丸

黃芩散 丹溪方 潔古方 當歸湯 當歸散 又方 大黃散 又方 廣濟方 千金方 五加皮浸酒方 又

溫散 蛇牀子散 狼牙湯 麻黃湯 白礬散 藥驗方 桑白皮湯 來復丹 五加皮浸酒方 又

單方 又方 溫中坐藥 蛇牀子散 八味丸

鍼灸

醫案

婦人夢與鬼交門

陳自明婦人良方 論證脈

方賢奇效良方 總論證治

張介賓景岳全書 論證治

方法 扶神散 桃仁丸 辟瘟丹 殺鬼雄黃散 別離散 朱砂散 又方 太乙神精丹 六一泥

單方

鍼灸

醫案

婦人交腸門

樓英醫學綱目 交腸論證治

方 五苓散 補中益氣湯 四物湯

醫案

博物彙編藝術典第四百二十一卷目錄

醫部彙考四百一

小兒未生胎養門

列女傳 胎教論

孫思邈千金方 養胎論

陳自明婦人良方 胎教論 孕元立本章 擬形殊稟章 氣質生成章 胎殺避忌產前將護法 太史局

日遊胎殺 食忌論 孕婦藥忌歌

朱震亨格致餘論 慈幼論 受胎論

方賢奇效良方 形質受胎之始論 小兒初生總說

萬氏育嬰家祕 胎養以保其真

虞搏醫學正傳 小兒總論

郭子章博集方論 未生

徐春甫古今醫統難婦不孕禁忌生子多疾論

李梴醫學入門胎前禁忌生子所向方

方丹參胎前和胎飲

單方

醫案

博物彙編藝術典第四百二十二卷目錄

醫部彙考四百二

小兒初生護養門

孫思邈千金方初生出腹論

張從政儒門事親過愛小兒反害小兒說

朱震亨格致餘論慈幼論

危亦林得效方灸法論

方賢奇效良方初生說 達和說

萬氏祕傳片玉心書指南賦

育嬰家祕發微賦 小兒不宜妄針灸 鞠養以慎其疾

幼科發揮治未病

魯伯嗣學嬰童百問初誕 護養法

虞搏醫學正傳小兒初生食飲

薛氏保嬰金鏡錄論初生用藥

保嬰撮要初誕法 護養法

樓英醫學綱目初生禁忌

徐春甫古今醫統嬰幼論 護養 乳哺 除胎毒 初生總論 猪乳法 沐浴法 斷癆法 著

王肯堂證治準繩小兒論 乳哺 乳令兒病 斷乳法 雜將護法 浴兒 斷疳法 灸臍法

李梴醫學入門初生裏脾 藏胎衣法 調護

龔廷賢萬病回春初生

小兒衛生總微論方洗浴論 斷臍論 慎護論 食忌論

董鳳翽活幼精要食忌論

景岳全書兒初生

東醫寶鑑保護法

方和平飲子百毒散 痧體湯 經驗安化湯 防風運聖散 涼膈散 神芎丸 益元散 解

一方毒延齡膏 茯苓丸 消乳丸 安臍散 畫眉膏 封臍散 又方 保生第一良法 延生第

煉臍藥 烙臍餅子 封臍散

單方

醫案

博物彙編藝術典第四百二十三卷目錄

醫部彙考四百三

小兒診視門一

黃帝靈樞經論共診尺

嚴助相兒經壽夭

王叔和脈訣小兒生死候歌 外證十五候歌

孫思邈千金方小兒總論

錢乙小兒直訣脈法 面部證 目部證 死證

朱肱活人書小兒治法

許叔微本事方小兒脈

劉完素六書小兒論

王肯堂證治準繩 察色 面上證 聽聲 脈應雜病 審脈逆順 死證

李梴醫學入門 觀形 察脈 成童脈法 用藥賦

小兒衛生總微論方 諸般色澤紋證論 面目死生色 金匱死色 外臺死色 鼻上色 目內色 諸般病脈 諸處紋狀候 諸紋總歌 諸般死證 通真子死候歌 脈理論 死證脈

董鳳翽活幼精要 幼科 聽聲歌 外證歌 雜病不治歌 一見生死歌 察色歌 血氣論 虛實

景岳全書 小兒總論 看毒天法 脈法 聲音 顏色 診治大法 論特醫 藥餌之誤

陳士鐸石室秘錄 兒科治法 又

博物彙編藝術典第四百二十六卷目錄
醫部彙考四百六

小兒臟腑形證門

錢乙小兒直訣 五臟虛實寒熱 五臟相勝證治

萬氏育嬰家祕 五臟證治總論

幼科發揮 五臟主病

魯伯嗣學嬰童百問 五臟病治

薛氏保嬰撮要 肝 心 脾 肺 腎

龔信古今醫鑑 五臟生成 觀面部五臟形色歌

樓英醫學綱目 五臟

徐春甫古今醫統 五臟相通應證 五臟克絕

王肯堂證治準繩 五臟 五臟補瀉法

李梴醫學入門 五臟形證

喬岳五臟絕歌 心 肝 脾 肺 腎

欽定古今圖書集成醫部全錄

醫部彙考四百

婦人前陰諸疾門

漢張機金匱要略

前陰諸證

少陰脈滑而數者陰中卽生瘡陰中蝕瘡爛者狼牙湯洗之

婦人臍腫如瓜陰中疼引腰痛者杏仁湯主之

婦人陰寒溫中坐藥蛇牀子散主之

胃氣下泄陰吹而正喧此穀氣之實也膏髮煎導之

晉王叔和脈經

脈證

少陰脈數則氣淋陰中生瘡

婦人少陰脈弦者白腸必挺核

少陰脈浮而動浮則爲虛動則爲痛婦人則脫下

師曰脈得浮緊法當身軀疼痛設不痛者當射云何因當射言若腸中痛腹中鳴欬者因失便婦人得此

脈者法當陰吹

師曰寸口脈浮而弱浮則爲虛弱則無血浮則短氣弱則有熱而自汗出跌陽脈浮而濇浮則氣滿濇則有寒喜噫吞酸其氣不下少腹則寒少陰脈弱而微微則少血弱則生風微弱相搏陰中惡寒胃氣下泄吹而正喧

宋陳自明婦人良方

陰病方論

婦人陰挺下脫或因胞絡傷損或因子臟虛冷或因分娩用力所致

^註前證當升補元氣為主若肝脾鬱結氣虛下陷用補中益氣湯若肝火濕熱小便澀滯用龍膽瀉肝湯

婦人陰癢爲三蟲在腸胃之間因臟虛而蝕陰中微則爲癢甚則爲痛也

^註前證屬肝經所化當用龍膽瀉肝湯逍遙散以主其內外以桃仁研膏和雄黃末或雞肝納陰中以制其蟲

按大全三蟲動作發於陰內其蟲作熱微則爲癢重則爲痛也

婦人少陰脈數而滑者陰中有瘡名曰匿或痛或癢如蟲行狀膿水淋漓亦有陰蝕幾盡皆由心神煩鬱脾胃虛弱氣血流滯耳內當補心養胃外以藥傳洗乃可

^註按前證乃肝脾鬱結之證木旺生蟲耳宜解鬱清肝

婦人陰腫因胞絡素虛風邪客之乘於陰部血氣相搏故也

^註前證若氣血虛弱用補中益氣湯舉而補之肝經濕熱用龍膽瀉肝湯滲而清之但陰腫及陰冷陰挺等證仍當與陰癢方論參看

按大全婦人陰腫者是虛損受風邪所爲胞絡虛而有風邪客之風氣乘於陰與血氣相搏令氣否澀腠理壅閉不泄越故令腫也

婦人陰冷因勞傷子臟風冷客之用五加皮乾薑丹參蛇牀子熟地黃杜仲各三兩鍾乳粉四兩天門冬一兩地骨皮二兩酒十五升漬二宿每服一盞空心食前飲之

^註前證屬肝經內有濕熱外乘風冷所致若小便澀滯或小腹痛用龍膽瀉肝湯若內熱寒熱或經候不調用加味道遙散若寒熱體倦飲食少思用加味四君子若鬱怒發熱少寐懶食用加味歸脾湯

明薛己醫按

陰病證治

婦人陰中生瘡乃七情鬱火傷損肝脾濕熱下注其外證陰中出如蛇如菌或如雞冠狀或生蟲濕癢或潰爛出水或腫悶墜痛其內證體倦內熱經候不調或飲食無味晡熱發熱或胃脘不利小便痞脹或赤

白帶下小水淋瀝其治法腫痛者四物湯加柴梔丹皮膽草濕癢者歸脾湯加柴梔丹皮淋瀝者龍膽瀉肝湯加白朮丹皮潰腐者逍遙散加山梔川芎腫悶墜痛者補中益氣湯加山梔丹皮佐以外治之法女子交接傷丈夫頭痛當用補中益氣六味地黃以滋化源爲主婦人小戶嫁痛當從女人交接傷丈夫頭痛門互相主治

李梔醫學入門

陰病證治

陰中挺出一條尺許如蛇痛墜出水溺澀者朝服補中益氣湯晚服龍膽瀉肝湯外塗藜蘆膏而收

陰中突出如菌如雞冠四圍腫痛者乃肝鬱脾虛下陷先以補中益氣湯加山梔茯苓車前子青皮以清肝火兼升脾氣漸愈更以歸脾湯加山梔茯苓川芎調理外塗藜蘆膏

陰戶突出因勞力者血虛四物湯加龍骨氣虛補中益氣湯

陰中生蟲蠱如小蛆者乃濕熱甚而心氣又鬱氣血凝滯而生宜藿香養胃湯補心湯古硫鯉丸外用生艾汁調雄黃末燒烟熏之更用雄黃銳散納陰中

陰中生細蟲癢不可忍食入臟腑卽死令人發寒熱與癆證相似先以蛇牀子煎湯洗淨拭乾後用梓樹皮焙乾爲末入枯礬四分之一麝香少許敷之立效

陰腫痛極便祕欲死者枳橘熨但腫痛者四物湯加柴胡山梔牡丹皮龍膽草如時常陰痛者四物湯加藁本防風

濕癢出水又痛者憂思過也歸脾湯加柴胡山梔牡丹皮芍藥生甘草

陰戶腫痛不閉者逍遙散十全大補湯腫消不閉者補中益氣湯腫墜者加山梔牡丹皮

陰戶腫痛不閉寒熱溺澀體倦少食者補中益氣湯加升麻柴胡至一錢量入茯苓山梔

陰戶不閉小便淋瀝腹中一物攻動脹痛者逍遙散加柴胡山梔車前子

交接出血乃房室有傷肝脾虛不藏血補中益氣湯外用熟艾帛裹入陰中或用亂髮青皮燒灰傳之若出血過多見雜證者調補肝脾自愈

脈法

少陰脈浮而動浮則爲虛動則爲痛或崩帶或陰戶脫下少陰滑數或爲氣淋或陰中生瘡痛瘡

少陰微者氣閉膀胱女人見之陰中生瘡大實易愈虛瀉其亡

少陰脈弦則陰戶掣痛白腸挺

腎脈沉甚主陰癢或腰脚痛皆衛氣不升濕熱甚也女人脈緊細長至關而止主陰中切痛上引腹臍張三錫醫學準繩六要

陰病總論

婦人陰瘡乃七情鬱火傷損肝脾濕熱下注其外證有陰中舒出如蛇俗呼陰挺有翻突出如菌俗呼陰菌亦有如雞冠花有生蟲腫痛濕癢潰爛出水脹悶脫墜者其內證口乾內熱體倦經候不調飲食無味哺熱發熱胃脘不利脅脹小腹痛痞赤白帶下小水淋瀝治法腫痛宜四物加柴胡山梔膽草丹皮濕癢者宜歸脾加山梔丹皮柴胡淋瀝者宜龍膽瀉肝湯加白朮丹皮潰爛者加味逍遙散腫墜宜補中益氣加山梔丹皮薛氏之法確不可易

證治

婦人陰蝕瘡濕熱客於肝經而然陰戶生蟲癢不可忍入臟腑即死令人發熱惡寒與癆相似用熟豬肝切長條乘熱內陰中以取蟲蟲聞腥俱出肝上如此數次內服瀉肝和血藥亦妙

陰中癢亦是肝家濕熱瀉肝湯妙瘦人燥癢屬陰虛坎離爲主外用蛇牀子煎湯洗之置瘡同治要分虛實耳

尺脈數婦人陰中生瘡下部匿久之有蟲用豬肝煮熟切長條納陰中引蟲出乃上殺蟲藥

陰疝乃婦人陰中腫痛不可忍有物如茄突出卽是男子之疝但名瘰聚耳俱屬肝經濁氣平肝破氣爲主與疝同治外以枳實切碎炒熱帛包熨之冷再易但是陰痛俱妙

新室嫁孔痛宜舒鬱和血四物加香附紅花

婦人陰冷肥盛者多是濕痰下流所致二木二陳加風藥外用生藥妙
明王肯堂證治準繩

陰病證治

婦人陰中生痔者凡九竅有肉突出皆名爲痔

婦人茄子疾即陰痔也由心躁連綿黃水易治白水難愈

夏方云婦人少陰脈數而滑者陰中必生瘡名曰蠱瘡或痛或癢如蟲行狀淋露濃汁陰蝕幾盡者此皆由心神煩鬱胃氣虛弱致氣血留滯按經云諸痛癢瘡皆屬於心又云陽明主肌肉痛癢皆屬於心治之故當補心養胃外以熏洗坐導藥治之乃可

婦人陰瘡運氣皆屬寒經云太陽之勝陰中乃瘍隱曲不利治以苦熱是也

婦人陰瘡者由三蟲或九蟲動作侵蝕所爲也諸蟲在人腸胃之間若臟腑調和血氣充實不能爲害若勞傷經絡腸胃虛損則動作侵蝕於陰輕者或癢或痛重者生瘡仲景云診其少陰之脈滑而數者陰中生瘡也

明陳實功外科正宗

總論

婦人陰瘡乃七情鬱火傷損肝脾濕熱下注爲患其形固多不一總由邪火所化也陰中有如挺出一條蛇形尺許墜重流水溺澀者乃脾氣下陷肝火從之朝服補中益氣湯晚服龍膽瀉肝湯外塗雄黃藜蘆散其患漸收陰中突出如菌子如雞冠四邊腫痛者乃肝鬱脾虛所致先以補中益氣湯加山梔茯苓青皮清肝補脾兼升中氣更以歸脾湯加山梔川芎茯苓神香附陳皮調理陰戶忽然腫突作痛因勞傷血分濕火下流宜四物湯加丹皮澤瀉花粉柴胡治之陰中生蟲蠱如小蛆者乃心氣鬱而邪火所化宜四物加黃連膽草木通石菖蒲以通散心竅鬱滯外以銀杏散納入陰中陰器外生疙瘩內生細蟲作癢不可忍者此蟲食入臟腑即死令人多發寒熱與癆瘵相似有此證之婦人畏羞都不肯說因循日久面黃肌瘦身發寒熱欬嗽生痰往往不治者多矣如有此證急與逍遙散吞蘆薈丸早晚二服外用銀杏散綿裹

塞入陰中殺蟲止癢半月漸愈陰戶開而不閉者憂思過也逍遙散歸脾湯俱加柴胡山梔白芍丹皮間服交接出血者肝虛有火不能藏血四物湯加膽草黃芩山梔柴胡新交房事傷而腫痛者珍珠散猪脊髓調搽又婦人久居寡室淫火動而又鬱鬱而又動邪火久注多致陰中作癢生蟲此蟲食人內臟陰中腐爛攻刺疼痛臭水淋漓口乾發熱形削不食有此證者非藥能愈終歸於死又名失合證也

石室祕錄 臣陳士鐸著

治法

女人陰內生蟲乃濕熱也用雞肝入藥末引之亦妙終不若用蚯蚓三四條葱數根各火上炙乾爲末用蜜一椀煮成膏將藥搗於其中納入陰戶蟲盡死矣自然隨溺而下又婦人陰門邊生瘡作癢作痛不止者以此方煎水洗之立效方用蛇牀子一兩花椒三錢白礬三錢水十椀煎五椀乘熱熏之溫則洗之一次即止癢二次即止痛三日即全愈分作五日洗之每日止須洗一次神效之極

婦人羞隱之處不便明言然大約非寒則熱耳今有一方先用歸芍各三錢川芎一錢熟地五錢甘草柴胡白芥子各一錢黃芩炮薑各三分水煎服後較前平善則是虛證也隨用四物湯治之可也未好則是熱病作祟方中加梔子三錢治之必奏效

方

補中益氣湯 醫按下同 治女人氣血虛弱陰腫

陳皮五分 黃芪炒 人參 白朮炒 甘草炙 當歸各一錢 柴胡 升麻各三分 右薑棗水煎

空心午前服

龍膽瀉肝湯 治女人陰中生瘡淋瀝用此加減

龍膽草酒拌炒黃 澤瀉各一錢 車前子炒 木通 生地黃酒拌 當歸酒拌 山梔仁炒

黃芩炒 甘草各五分 右水煎服

四物湯 治女人陰腫作痛用此加減

當歸酒拌 芍藥炒 川芎各一錢 熟地黃三錢 右水煎服

逍遙散 治女人陰瘡潰爛用此加減

甘草炙 當歸炒 白芍藥酒炒 白茯苓 白朮炒各一錢 柴胡酒炒五分 右水煎服

歸脾湯 入門 治女人陰戶突出用此加減

當歸 龍眼肉 棗仁 遠志 人參 黃芪 白朮 扶神各一錢 木香五分 甘草三分 右薑

棗煎服

古硫鯉丸 治女人陰中生蟲

大鯉魚一箇去頭皮 硫黃一兩 右將硫黃入鯉魚內黃泥固濟火煨烟盡爲末米糊丸梧子大每二
十九溫酒下如下疳生蟲所下如柿汁臭穢及心中疔痛悶絕虛煩甚者不治

雄黃銳散 治女人陰中生蟲用此納之

雄黃別研 青葙子 苦參 黃連各二錢半 桃仁一錢 右爲末生艾搗汁和如小指尖大綿裹納

下部肛門內

銀杏散 外科正 治女人濕熱下注陰中作癢及內外生瘡

杏仁去皮尖研 輕粉 水銀鉛製 雄黃各一錢 右各爲細末共和一處每用五分棗肉一枚和丸

用絲絛包裹畱一絲條撚線在外用湯洗將藥安入陰內畱線在外恐小便取出再入一日一
換重者只四五枚痊愈仍兼服後藥

清肝滲濕湯 治女人肝經鬱滯邪火流行致陰腫痛或風熱作癢

滑石二錢 川芎 當歸 白芍 生地 山梔 黃連 連翹 膽草各一錢 銀柴胡 澤瀉

木通各六分 蘆薈五分 甘草三分 防風八分 右水二鍾淡竹葉燈心各二十件煎八分食前服

涼榮瀉火湯 治婦人懷抱憂鬱不清致生內熱小水澀滯大便秘結及陰中火鬱作痛亦如濕淋

宜此瀉之

川芎 當歸 白芍 生地 黃芩 黃連 山梔 木通 柴胡 茵陳 膽草 知母 麥門冬各
一錢 甘草五分 大黃酒炒二錢 右水二鍾煎八分空心服便利去大黃

塌瘻湯 治證與銀杏散同

苦參 威靈仙 蛇牀子 歸尾 狼毒各五分 鶴虱草一兩 右用河水十碗煎數滾濾清貯盆內

乘熱先熏待溫後洗臨洗和入公猪膽汁二三枚同洗更妙

雄黃藜蘆散 治女人陰中突出如蛇或似鷄冠菌樣者

葱管藜蘆碾細如麪二錢 輕粉 雄黃並細研 龜頭蝦黃色各一錢 冰片二分 右各研極細末

和勻再研磁罐收貯先用芎歸湯煎洗隨後搽藥早晚二次

芎歸湯 治證同上

川芎 當歸 白芷 甘草 膽草各等分 右每用五錢煎湯浴洗患上隨後搽藥

內疎黃連湯 陰瘡應用之藥

木香 黃連 山梔 當歸 黃芩 白芍藥 薄荷 檳榔 桔梗 連翹各一錢 甘草五分

大黃二錢 右水二茶鍾煎八分食前服臨服加蜜二匙亦可

透膿散 治同上

黃芪四錢 穿山甲炒末一錢 川芎三錢 當歸二錢 皂角針一錢五分 右水二鍾煎一半臨服

入酒一杯亦好

八珍湯 治同上

川芎 白芍 當歸 熟地黃 人參 白朮 茯苓各一錢 甘草炙五分 右水二鍾薑三片棗三

枚煎八分食前服

加減八味丸 治同上

茯苓 山藥 丹皮各四兩 山黃肉五兩 澤瀉蒸三兩 五味子炒三兩 肉桂六錢 熟地杵膏

酒煮八兩 右共爲末煉蜜丸如梧子大每服二錢空心服鹽湯送下尋常酒服亦可

小柴胡湯 治同上

柴胡二錢 黃芩炒一錢 人參 半夏各七分 甘草炙五分 右薑水煎服

消風散 治同上

當歸 生地 防風 蟬蛻 知母 苦參 胡麻 荊芥 蒼朮 牛蒡子 石膏各一錢 甘草
木通各五分 右水煎食遠服

蘆薈丸 治同上

胡黃連 黃連 蘆薈 白蕪荑 白雷丸 青皮 鶴蝩草各二兩 麝香一錢 木香三錢 右為

末蒸餅糊丸如麻子大每服一錢空心清米湯下

加味逍遙散 治同上

柴胡五分 甘草炙 當歸炒 芍藥酒炒 茯苓 白朮炒各一錢 丹皮 山梔各隨宜 右水煎

服

三茱丸 準繩下同 治陰中生一物牽引腰腹脹痛甚至不思飲食皆因多服熱藥及煎燂或犯非理房

事兼意淫不遂名陰挺

食茱萸 吳茱萸湯浸微炒 白蒺藜 青皮 桔梗水浸漉出慢火炒 舶上茴香淘去砂土焙

山茱萸肉微炒各一兩 五味子淨 海藻洗焙 大腹皮酒洗曬 川楝子肉 延胡各一兩二錢半

右為末酒糊為丸如梧子大每服三十五丸木通湯下一方每服二錢生地黃湯調仍用金毛狗脊五

倍子白礬水楊根魚腥草川黃連各一兩為散分作四服以有嘴瓦罐煎熟預以銀錫作一長小筒下

透罐嘴嘴上貫挺上先熏後洗立效更服白薇散凌霄花少許煎 如下虛加川烏炮去皮肉桂去粗

皮各一兩 如腰腹痛甚加桃仁去皮尖麩炒別研青皮去白 枳實去穢各一兩真南木香七錢半

服之

一捻金丸 服前藥未效却用此丸

延胡索 舶上藿香 吳茱萸炒 川楝子去核 青木香各二兩 右為末粳米飯糊丸如梧子大

每服三十五丸空心木通湯服又用梅花腦子五分鐵孕粉一錢水調刷上 如陰畔生泡以涼血飲

每服三錢加凌霄花少許煎空心服見效

黃芩散 治婦人陰挺脫下

黃芩 蟬皮炒微焦 當歸各半兩 赤芍一兩 牡蠣 竹皮各二兩 狐莖一具一作狐皮 右治下節

飲服方寸匕日三禁舉重房勞冷食一方以酒服二錢妙

丹溪方 權小娘瘰後右腿股生癰破後筋甲疼脉虛而瀉詢之小便時疼患處亦相應宜與生血

導熱

川芎 當歸頭 條芩 生地 赤芍 牛膝 黃蘗 甘草炙各二分 青皮炒 檳榔各五分

通草三分 桂皮一錢 右煎食前熱飲之

潔古方 治男子婦人陰部濕淫瘡

文蛤研 乳香各五分 白礬一錢 銅綠少許 輕粉一字 右爲極細末洗淨摻之

當歸湯半 治婦人陰蝕瘡

當歸 川芎 芍藥 甘草各二兩 地榆三兩 右細切以水五升煮取三升去查熏洗日三夜二

方用蛇牀子不用川芎

藿香養胃湯危氏方 治陽明經虛不榮肌肉陰中生瘡不愈

藿香 白朮 白茯苓 神麴炒 烏藥 砂仁 薏苡仁 半夏麴 人參各半兩 萆澄茄

甘草炙各三錢半 右剉散每服四錢水一盞半薑五片棗三枚同煎不拘時候

又方千金 治陰瘡

蕪荑 芎藭 黃芩 甘草 礬石 雄黃 附子 白芷 黃連各六銖 右咬咀取猪膏四兩合煎

傳之

又方準繩下同 治婦人陰瘡與男子妬精瘡大同小異

黃丹 枯白礬 篇蓄 藥本各一兩 白蛇皮一條燒灰 硫黃半兩 荊芥 蛇牀子各半兩研細

右細末另以荊芥蛇牀子煎湯溫洗軟帛拭乾清油調塗如瘡濕乾末摻之

又方 治疳瘡因月後便行房致成湛濁伏流陰道疳瘡遂生搔癢無時先用胡椒葱白作湯一日